

Oulu gávpoga doaimmalaš dásseárvvu ja ovtaveardásašvuoda plána 2022-26

## LÁIDEHUS

Dát lea Oulu gávpoga láhkageatnegahtton doaimmalaš dásseárvvu ja ovtaveardásašvuoda plána 2022–2026. Plána bargun lea doaimmat reaidun ja rávan, go ovddidit gávpoga bálvalusaid ja doaimmaid ovtaveardásašvuoda ja dásseárvvu. Dásseárvvu ja ovtaveardásašvuoda plánejuvvon ovddideapmi lea dehálaš, daningo dat buvttada buresveadjima ja addá vejolašvuoda olmmošvuoigatvuođaid ollašuttimii.

Doaimmalaš dásseárvo- ja ovtaveardásašvuohtaplána lea sierra plána Oulu bargiid plánas, mii lea maiddá i ođasmahttojuvvon jagiide 2022–26.

Árgabeaivvi ságastallamis tearpmat ovtaveardásašvuohta ja dásseárvvu mánggii sehkkejuvvojit nubbi nubái. Plánenbarggus lea liikká dehálaš meroštallat doahpágiid dárkileappot, vai gávpoga doaimmaid árvvoštaladettiin ja plánedettiin fuomášupmi giddejuvvo rivttes áššiide.

Dásseárvvu mearkkaša sohkabeliid gaskasaš dásseárvvu, mii sisttisoallá maiddá sohkabealleidentitehta dahjege iežas vásáhusa iežas sohkabealis. Dán lassin dat mearkkaša sohkabeali ovdanbuktima gárvodemiin, láhttemiin dahje eará sullasaš vugiin.

Ovtaveardásašvuohta mearkkaša, ahte olbmuiguin meannudit seammaárvosaččat ja vuoiggalaččat beroškeahttá olbmo agis, su álgoboahtimušas, su riikkavulošvuodas, su gielas, su oskkoldagas, su vuodđooainnus, oaivilis, politihkalaš doaimmas, ámmátovttastusdoaimmas, bearašgaskavuodain, dearvvašvuoda dilis, lámisvuodas, seksuála sojus dahje eará olbmui laktáseaddji siva dihte.

Láhkaásaheapmi geatnegahtta gielddaid sihke ovddidit dásseárvvu ja ovtaveardásašvuoda ja maiddá eastadit vealaheami. Manimus jagiid leat badjánan vealaheapmái laktáseaddji doahpagat intersektionávuoha ja mánggadáfot vealaheapmi. Dat mearkkašit olbmo gullevašvuoda mángga iešguđet unnitlohkui, man dihte son vealahuvvo. Dása darvánit maiddá Oulu gávpoga doaimmas.

Plánas lea čanastat Oulu gávpotstrategiijai, bušeahhtaevttohussii ja -plánii, rabas hálddahusa plánii, vuorováikkhusplánaide ja erenomášjoavkkuid, dásseárvvu ja ovtaveardásašvuoda ovddidanprográmmaide ja plánaide. Plána čállimis leat ávkkástallan áššedovdiid, gažademiid, skuvlejumiid ja bargojoavkobarggu.

Dán plánas mitalit vuos áigeovdilis hástalusaid birra, mat laktásit dásseárvvui ja ovtaveardásašvuhtii. Čuovvovažžan geahčadit, mo láhkaásaheapmi, iešguđegelágan rávvagat ja čatnašumit láidejit dásseárvo- ja ovtaveardásašvuohtabarggu Oulu gávpogis. Dan manjel geahčastit Oulu gávpoga áššegirjiid ja doaimmaid ja ovdanbuktit ášhusaid, mat barget doaimmalaš dásseárvvuin ja ovtaveardásašvuodain. Dán plána lohppii leat čohkken rávvagiid iešguđet suorggi plánenbarggu várás, vugiid, mo lasihit dásseárvo- ja ovtaveardásašvuohtamáhtu, sátnelisttu ja gálduid.

Plána guovddážiis leat Oulu gávpoga doaimmasurggiid, gávpeorganisašuvnnaid ja oasusserviid plánentabeallat, maidda juohke doaimmasuorgi lea árvvoštallan iežas dáládili, ja maidda dat ásahit ulbmiliid ja doaimmaid. Oulu gávpot lea válljen, ahte juohke doaimmasuorgi oažžu meroštallat iežas ulbmiliid, maiguin dat ovddidit dásseárvvu ja ovtaveardásašvuoda. Dát láchčá vejolašvuoda ásahit konkrehta doaimmaid ja váldit vuhtii iešguđege doaimmasurggiid bálvalanhámiid. Dát tabeallahápmásaš plánat doaimmasurggiid várás leat mielddusin 1: *Doaimmasurggiid tabeallat*.

Nu mo buot bargu, mii guoská olbmuid, de maiddá ovtaveardásašvuodta- ja dásseárvobargu lea sakka ehtalaš bargu. Liikká doaimmat, maiguin darvánit eahpevuoiggalaš meannudeapmái ja ovddidit buori, leat dájvja árgabeaivválaš doaimmat, mat bohtet ovdan geavatlaš gulahallamis ja bargguin. Ovttalágan vuoigatvuodát ja vejolašvuodát gusket buot gávpoga ássiid iešguđegelágan duogážiin ja vuolggasajiin beroškeahtá. Danin ovtaveardásaš ja dásseárvosaš gávpot fuomáša ássiidis iešguđegelágan dárbbuid.